

大般若波羅蜜多經

第三百三十二

三十四

騰二

47147



元祿九年丙子二月日重脩

皇圖翠閣 帝階綴昌

佛日增輝 懋谷輪常轉

山城州天安寺法金剛院置



般若波羅蜜多經卷第三百三十二 騰

三藏法師 玄奘奉 詔譯

初分善學品第五十三之二

陳士刊

善現是菩薩摩訶薩行深般若波羅蜜多應
習近空三摩地應安住空三摩地應修行空
三摩地而於實際不應作證應習近無相

願三摩地應安住無相無願三摩地應修行
無相無願三摩地而於實際不應作證應習
近四念住應安住四念住應修行四念住而
於實際不應作證應習近四正斷四神足五
根五力七等覺支八聖道支應安住四正斷
乃至八聖道支應修行四正斷乃至八聖道

於而於實際不應作證如是乃至應習近佛
十力應發趣佛十力應修行佛十力而於實
際不應作證應習近四無所畏四無礙解大
慈大悲大喜大捨十八佛不共法應發趣四
無所畏乃至十八佛不共法應修行四無所
畏乃至十八佛不共法而於實際不應作證
善現是菩薩摩訶薩雖習近空三摩地安住
空三摩地修行空三摩地而不證預流果亦
不證一來不還阿羅漢果亦復不證獨覺菩
提雖習近無相無願三摩地安住無相無願
三摩地修行無相無願三摩地而不證預流
果亦不證一來不還阿羅漢果亦復不證獨

覺菩提雖習近四念住安住四念住修行四
念住而不證預流果亦不證一來不還阿羅
漢果亦復不證獨覺菩提雖習近四正斷四
神足五根五力七等覺支八聖道支安住四
正斷乃至八聖道支修行四正斷乃至八聖
道支而不證預流果亦不證一來不還阿羅
漢果亦復不證獨覺菩提善現是菩薩摩訶
薩由此因緣不墮聲聞及獨覺地疾證無上
正等菩提善現譬如壯士威猛勇健形貌端
嚴見者歡喜具最清淨圓滿眷屬於諸兵法
學至究竟善持器仗安固不動六十四能十
八明處一切技術無不善巧衆人欽仰皆悉

敬伏善事業故功少利多由此諸人恭敬供
養尊重讚歎彼於爾時倍增喜躍而自慶慰
有因緣故扶將老弱及諸眷屬發趣他方中
路經過嶮難曠野其間多有惡獸劫賊怨家
潛伏諸怖畏事眷屬小大無不驚惶其人自
恃威猛勇健多諸技術身意泰然安慰父母
并諸眷屬幸勿憂懼必令無苦彼人於是以
善巧術將諸眷屬到安隱處既免危難歡娛
受樂然彼壯士於曠野中惡獸怨賊無加害
意所以者何自恃威勇具諸技術無所畏故
善現當知諸菩薩摩訶薩亦復如是愍生死
苦諸有情故發趣無上正等菩提普緣有情

起四無量住四無量俱行之心精勤修習布
施淨戒安忍精進靜慮般若波羅蜜多令速
圓滿是菩薩摩訶薩於此六種波羅蜜多未
圓滿位爲欲修學一切智智不證漏盡雖住
空無相無願解脫門然不隨其勢力而轉亦
不爲彼障所牽奪於解脫門亦不作證由不
證故不墮聲聞及獨覺地必趣無上正等菩
提善現如堅翅鳥飛騰虛空自在翱翔久不
墮地雖依空戲而不據空亦不爲空之所拘
礙善現當知諸菩薩摩訶薩亦復如是雖於
空無相無願解脫門數數習近安住修行而
不作證由不證故不墮聲聞及獨覺地修佛

十為四無所畏四無礙解大慈大悲大喜大
捨十八佛不共法一切智智若未圓滿終不
依空無相無願三三摩地而證漏盡善現辟
如壯夫善閑射術欲現已技仰射虛空為令
空中箭不墮地復以後箭射前箭括如是展
轉經於多時箭箭相承不令墮落若欲令墮
騰便止後箭若三了於二爾時諸箭方頓墮落善現當知諸
菩薩摩訶薩亦復如是行深般若波羅蜜多
方便善巧所攝受故乃至無上正等菩提因
行善根未皆成熟終不中道證於實際若得
無上正等菩提因行善根一切成熟爾時菩
薩方證實際便得無上正等菩提是故善現

諸菩薩摩訶薩行深般若波羅蜜多皆應如
是審諦觀察如前所說諸法實相。爾時具壽
善現白佛言。世尊。諸菩薩摩訶薩能爲難事。
雖學諸法。真如法界。法性不虛妄。性不變異。
性平等。性離生性。法定法住。實際虛空界。不
思議界。雖學諸法。內空。外空。內外空。空空。太
空。勝義空。有爲空。無爲空。畢竟空。無際空。散
空。無變異空。本性空。自相空。共相空。一切法
空。不可得空。無性空。自性空。無性自性空。雖
學苦集滅道聖諦。雖學四念住。四正斷。四神
足。五根。五力。七等覺支。八聖道支。雖學空。無
相。無願。解脫門。而於中道。不墮聲聞及獨覺。

地退失無止正等菩提卅尊是菩薩摩訶薩
甚爲希有佛告善現諸菩薩摩訶薩於諸有
情誓不捨故謂作是願若諸有情未得解脫
我終不捨所起加行善現諸菩薩摩訶薩願
力殊勝常作是念一切有情若未解脫我終
不捨由起如是廣大心故於其中道必不退
落善現諸菩薩摩訶薩恒作是念我不應捨
一切有情必令解脫然諸有情行不正法我
爲度彼應數引發寂靜空無相無願解脫門
雖數引發而不取證善現曰菩薩摩訶薩成
就善巧方便力故雖數現起三解脫門而於
中間不證實際乃至未得一切智智要得無

上正等菩提乃取證後次善現諸菩薩摩訶薩於甚深處常樂觀察謂樂觀察內空外空內外空空空大空勝義空有為空無為空畢竟空無際空散空無變異空本性空自相空共相空一切法空不可得空無性空自性空無性自性空亦樂觀察四念住四正斷四神足五根五力七等覺支八聖道支及空無相無願解脫門等皆自相空善現是菩薩摩訶薩作此觀已生如是念諸有情類由惡友力於長夜中起我想執有情想執命者想想生者想想執養者想想執士夫想想執補特伽羅想想執眾生想想執儒童想想執作者想想執受者想想執

勝

卷之三十一

四

十

知者想執見者想執由此想執行有所得輪
迴生死受種種苦爲斷有情如是想執應趣
無上正等菩提爲諸有情說深妙法令斷想
執離生死苦善現是菩薩摩訶薩尔時雖習
空解脫門而不依此證於實際雖習無相無
願解脫門亦不依此證於實際以於實際不
取證故不墮預流一來不還阿羅漢果亦復
不墮獨覺菩提善現是菩薩摩訶薩由如是
念行深般若波羅蜜多成就善根不證實際
雖於實際未即作證而不退失四靜慮亦不
退失四無量四無色定亦不退失四念住亦不
退失正斷四神足五根五力七等覺支

聖亦不退失八解脫亦不退失八勝處
九次第定十遍處亦不退失空解脫門亦不
退失無相無願解脫門亦不退失內空亦不
退失外空內外空空大空勝義空有為空
無為空畢竟空無際空散空無變異空本性
空自相空共相空一切法空不可得空無性
勝空自性空無性自性空亦不退失真如亦不
者三十三退失法界法性不虛妄性不變異性平等性
離生性法定法住實際虛空界不思議界亦
不退失苦聖諦亦不退失集滅道聖諦亦不
退失布施波羅蜜多亦不退失淨戒安忍精
進持慮般若波羅蜜多亦不退失五眼亦不

退失六神通亦不退失一切陀羅尼門亦不
退失一切三摩地門亦不退失佛十力亦不
退失四無所畏四無礙解十八不共法亦
不退失大慈大悲大喜大捨亦不退失無忘
失法亦不退失恆住捨性亦不退失一切智
亦不退失道相智一切相智善現是菩薩摩
訶薩亦時成就一切菩提分法乃至證得無
上正等菩提於諸功德終不衰減善現是菩
薩摩訶薩行深般若波羅蜜多方便善巧所
攝受故剎那剎那白法增益諸根猛利超過
一切聲聞獨覺復次善現若菩薩摩訶薩恒
作是念諸有情類於長夜中其心常為四倒

所倒謂常想倒心倒見倒若樂想倒心倒見
倒若我想倒心倒見倒若淨想倒心倒見倒
我爲如是諸有情故應趣無上正等菩提修
諸菩薩摩訶薩行證得無上大菩提時爲諸
有情說無倒法謂說生死無常無樂無我無
淨唯有涅槃寂靜微妙具足種種常樂我淨
真實功德善現是菩薩摩訶薩成就此念行
深般若波羅蜜多方便善巧所攝受故於佛
十力四無所畏四無礙解大慈大悲大喜大
捨十八不共法若未圓滿終不證入如來
勝定善現是菩薩摩訶薩爾時雖習空無相
無願解脫門入出自在而於實際未即作證

乃至無上正等菩提因行功德未善圓滿不
證實際及餘功德若得無上正等菩提乃可
證得善現是菩薩摩訶薩尔時雖於諸餘功
德修未圓滿而於無願三摩地門修已圓滿
復次善現若菩薩摩訶薩恒作是念諸有情
類於長夜中行有所得謂執有我或執有有

情命者生者養者士夫補特伽羅意生儒童作

六

者受者知者見者或執有色或執有受想行
識或執有眼處或執有耳鼻舌身意處或執
有色處或執有聲香味觸法處或執有眼界
或執有耳鼻舌身意界或執有色界或執有
聲香味觸法界或執有眼識界或執有耳鼻

舌身意識界或執有眼觸或執有耳鼻舌
意觸或執有眼觸為緣所生諸受或執有耳
鼻舌身意觸為緣所生諸受或執有地界或
執有水火風空識界或執有無明或執有行
識名色六處觸受愛取有生老死或執有十
善業道或執有四靜慮或執有四無量四無
色定或執有四攝事我為如是諸有情故應
趣無上正等菩提修諸菩薩摩訶薩行證得
無上大菩提時今諸有情永斷如是有所得
執善現是菩薩摩訶薩成就此念行深般若
波羅蜜多方便善巧所攝受故於佛卞力四
無所畏四無礙解大慈大悲大喜大捨十八

佛不共法若未圓滿不證實際善現是菩薩
摩訶薩爾時雖於無相無願三摩地門非不
修習而但於空三摩地門修已圓滿復次善
現若菩薩摩訶薩行深般若波羅蜜多見諸
有情由惡友力長夜執著無量種相所謂執
著女相男相色相身相香相味相觸相法相
騰
若二百三十二
恒作是念我為如是諸有情類應趣無上正
等菩提修諸菩薩摩訶薩行證得無上大菩
提時令諸有情永無如是諸相執著善現是
菩薩摩訶薩成就此念行深般若波羅蜜多
方便善巧所攝受故於佛十力四無所畏四
無礙解大慈大悲大喜大捨十八佛不共法

若未圓滿不證實際善現是菩薩摩訶薩
時雖於空無願三摩地門非不修習而於無
相三摩地門修已圓滿復次善現若菩薩摩
訶薩已善修學布施淨戒安忍精進靜慮般
若波羅蜜多已善安住內空外空內外空空
空大空勝義空有為空無為空畢竟空無際
空散空無變異空本性空自相空共相空一
切法空不可得空無性空自性空無性自性
空已善安住真如法界法性不虛妄性不變
異性平等性離生性法定法住實際虛空界
不思議界已善安住苦集滅道聖諦已善修
學四念住四正斷四神足五根五力七等覺

支八聖道支已善修學空無相無願解脫門
已善修學乃至佛十力四無所畏四無礙解
大慈大悲大喜大捨十八佛不共法及餘無
量無邊佛法善現是菩薩摩訶薩成就如是
功德智慧若於生死發起樂想或說為樂或
於三界安住執著無是處善現若菩薩摩訶
訶薩已善修學菩提分法一切如來應正等
覺及諸菩薩摩訶薩衆法應試問若菩薩摩
訶薩欲證無上正等菩提云何修學菩提分
法而不證空無相無願無生無滅無作無為
無性實際由不證故不墮預流一來不還阿
羅漢果獨覺菩提而勤修習甚深般若波羅

蜜多常無所執善現是菩薩摩訶薩得此問
時若作是答諸菩薩摩訶薩欲證無上正等
菩提但應思惟空無相無願無生無滅無作
無爲無性實際及餘一切菩提分法不應修
學善現當知是菩薩摩訶薩未蒙如來應正
等覺授於無上正等菩提不退轉記何以故
善現是菩薩摩訶薩未能開示記別顯了住
不退轉位菩薩摩訶薩修學法相善現是菩
薩摩訶薩得此問時若作是答諸菩薩摩訶
薩欲證無上正等菩提應正思惟空無相無
願無生無滅無作無爲無性實際及餘一切
菩提分法亦應方便如前所說善巧修學而

卷

若二二三二

八

不作證善現當知是菩薩摩訶薩已蒙如來
應正等覺授於無上正等菩提不退轉記何
以故善現是菩薩摩訶薩已能開示記別顯
了住不退轉位菩薩摩訶薩修學法相善現
若菩薩摩訶薩未能開示記別顯了住不退
轉位菩薩摩訶薩修學法相當知是菩薩摩
訶薩未善修學布施淨戒安忍精進靜慮般
若波羅蜜多菩提分法未入薄地未如諸餘
住不退轉位菩薩摩訶薩開示記別顯了安
住不退轉地善現若菩薩摩訶薩已能開示
記別顯了住不退轉位菩薩摩訶薩修學法
相當知是菩薩摩訶薩已善修學布施淨戒

忍精進靜慮般若波羅蜜多菩提分法已
入薄地已如諸餘住不退轉位菩薩摩訶薩
開示記別顯了安住不退轉地時具壽善現
白佛言世尊頗有未得不退轉菩薩摩訶薩
能作如是如實答不佛言善現有菩薩摩訶
薩雖未得不退轉而能於此作如實答善現
是菩薩摩訶薩雖未得不退轉而能修習布
施淨戒安忍精進靜慮般若波羅蜜多菩提
分法已得成熟覺慧猛利若聞不聞能如實
答如不退轉位菩薩摩訶薩具壽善現復白
佛言世尊多有菩薩摩訶薩修行無上正等
菩提少有能如實答不退轉位菩薩摩訶

薩已善修治地未善修治地而安住故佛言
善現如是如是如汝所說何以故善現少有
菩薩摩訶薩得受如是不退轉地微妙慧記
若有得受如是記者皆能於此作如實答善
現若能作此如實答者當知是菩薩摩訶薩
善根明利世間天人阿素洛等不能破壞

復次善現若菩薩摩訶薩乃至夢中亦不愛
樂稱讚聲聞及獨覺地於三界法亦不舉心
愛樂稱讚常觀諸法如夢如幻如響如像如
光影如陽焰如變化事如尋香城雖如是觀
察而不證實際善現當知是菩薩摩訶薩不
退轉相復次善現若菩薩摩訶薩夢見如來

應正等覺有無量衆無量百衆無量千衆無
量百千衆無量俱胝衆無量百俱胝衆無量
千俱胝衆無量百千俱胝衆無量那庾多衆
無量百那庾多衆無量千那庾多衆無量百
千那庾多衆謂苾芻苾芻尼鄔波索迦鄔波
斯迦天龍藥叉捷達縛阿素洛揭路荼緊捺

洛莫呼洛伽人非人等恭敬圍遶而為說法
既聞法已善解義趣解義趣已精進修行法
隨法行及和敬行并隨法行善現當知是菩
薩摩訶薩不退轉相復次善現若菩薩摩訶
薩夢見如來應正等覺具三十二大士夫相
八十隨好圓滿莊嚴圓光一尋周匝照耀與

苾芻衆中在空中現大神通說正法要化作
化事令到他方無邊佛土施作佛事善現當
知是菩薩摩訶薩不退轉相復次善現若菩
薩摩訶薩夢見狂賊破壞村城或見火起焚
燒聚落或見虎狼師子猛獸毒蛇惡蝎欲來
害身或見怨家欲斬其首或見父母兄弟姊
妹妻子親友臨欲命終或見自身寒熱飢渴
及衆苦事之所逼惱見如是等可怖畏事不
驚不懼亦不憂惱從夢覺已即能思惟三界
虛假皆不夢見我證無上大菩提時爲諸有
情宣說三界一切虛妄皆如夢境善現當知
是菩薩摩訶薩不退轉相復次善現若菩薩

摩訶薩乃至夢中見有地獄傍生鬼界諸有情類便作是念我當精勤修諸菩薩摩訶薩行速趣無上正等菩提願得無上大菩提時我佛土中無有地獄傍生鬼界諸有情類乃至無有諸惡趣名從夢覺已亦作是念善現當知是菩薩摩訶薩當作佛時彼佛土中定無惡趣何以故善現若夢若覺諸法無二無二分故善現若知是菩薩摩訶薩不退轉相復次善現若菩薩摩訶薩夢中見火燒地獄等諸有情類或復見燒城邑聚落便發誓願若我已受不退轉記當得無上正等菩提願此大火即時頓滅變爲清涼善現此菩薩摩

訶薩作是願已夢中見火即時滅者當知是
爲不退轉菩薩摩訶薩作是願已若火不滅
當知未得不退轉地善現當知是菩薩摩訶
薩不退轉相復次善現若菩薩摩訶薩覺時
現見大火卒起燒諸城邑或燒聚落便作是
念我在夢中或在覺位曾見自有不退轉地
諸行狀相未審虛實若我所見是實有者願
此大火即時頓滅變爲清涼善現此菩薩摩
訶薩作是誓願發誠諦言尔時大火即頓滅
者當知是爲不退轉菩薩摩訶薩作是誓願
發誠諦言火不滅者當知未得不退轉地善
現當知是菩薩摩訶薩不退轉相復次善現

若菩薩摩訶薩覺時見火燒諸城邑或燒聚
落便作是念我在夢中或在寤位曾見自有
不退轉地諸行狀相若我所見定是實有必
得無上大菩提者願此大火即時頓滅變爲
清涼善現是菩薩摩訶薩發此誓願誠諦言
已尔時大火不爲頓滅然燒一家越置一家
復燒一家或燒一巷越置一巷復燒一巷如
是展轉其火乃滅善現是菩薩摩訶薩應自
了知決定已得不退轉地然被燒者由彼有
情造作增長壞正法業彼由此業先墮惡趣
無量劫中受正苦報今生人亦受彼餘殃或
由此業當墮惡趣經無量劫受正苦報今在

人趣先現少殃善現當知是菩薩摩訶薩不退轉相復次善現由前所說種種因緣知是不退轉菩薩摩訶薩復有成就諸行狀相知是不退轉菩薩摩訶薩當爲汝說汝應諦聽善現答言唯然願說佛告善現若菩薩摩訶薩見有男子或有女人現爲非人之所魅著使作是念若諸如來應正等覺知我已得清淨意樂授我無上正等菩提不退轉記若我久發清淨作意求證無上正等菩提遠離聲聞獨覺意樂不以聲聞獨覺作意求證無上正等菩提若我當來必得無上正等菩提窮未來際利益安樂諸有情類若十方界現在

實有無量如來應正等覺說微妙法利樂有情彼諸如來應正等覺無所不見無所不知無所不解無所不證現知見覺一切有情意樂差別願垂照察我心所念及誠諦言若我實能修菩薩行必得無上正等菩提救拔有情生死苦者願是男子或此女人不為非人

勝

若二三三、

十

十

之所擾惱彼隨我語即當捨去善現是菩薩摩訶薩作此語時若彼非人不為去者當知是菩薩摩訶薩未蒙如來應正等覺曾授無上正等菩提不退轉記善現是菩薩摩訶薩作此語時若彼非人即為去者當知是菩薩摩訶薩已蒙如來應正等覺授彼無上正等

菩提不退轉記善現若菩薩摩訶薩成就如是諸行狀相當知是爲不退轉菩薩摩訶薩復次善現有菩薩摩訶薩未善修學布施波羅蜜多未善修學淨戒安忍精進靜慮般若波羅蜜多未善安住內安未善安住外空內外空空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空未善安住真如未善安住法界法性不虛妄性不變異性平等性離生性法定法住實際虛空異不思議界未善安住苦聖諦未善安住集滅道聖諦未善修學四念住

未善修學四正斷四神足五根五力七等覺
支八聖道支未善修學四靜慮未善修學四
無量四無色定未善修學八解脫未善修學
八勝處九次第定十遍處未善修學空解脫
門未善修學無相無願解脫門未善修學陀
羅尼門未善修學三摩地門未入菩薩正性
若三百三十五
離生未具修習一切佛法遠離菩薩方便善
巧未免惡魔之所惱亂於諸魔事未能覺了
不自度量善根厚薄學諸菩薩發誠諦言便
為惡魔之所誑惑善現是菩薩摩訶薩見有
男子或有女人現為非人之所魅著即便輕
尠發誠諦言若我已從過去諸佛受得無上

正等菩提不退轉記今是男子或此女人不
爲非人之所擾惱彼隨我諸速當捨去善現
是菩薩摩訶薩作此語已卽時惡魔爲惑亂
故即便駭逼非人令去所以者何善現惡魔
威力勝彼非人是故非人受魔教勅即便捨
去善現是菩薩摩訶薩見此事已歡喜踊躍
作是念言非人令去是吾威力所以者何非
人隨我所發誓願即便放此男子女人無別
緣故善現是菩薩摩訶薩不能覺知惡魔所
作謂是己力妄生歡喜恃此輕弄諸餘菩薩
言我已從過去諸佛受得無上正等菩提不
退轉記所發誓願皆不唐捐汝等未蒙諸佛

授記不應相學發誠諦言設有要期必空無
果善現是菩薩摩訶薩輕弄毀訾諸菩薩故
妄恃少能於諸功德生長多種增上慢故遠
離無上正等菩提不能證得一切智智善現
是菩薩摩訶薩以無善巧方便力故生長多
品增上慢故輕蔑毀訾諸菩薩故雖勤精進

而墮聲聞或獨覺地善現是菩薩摩訶薩薄
福德故所作善業發誠諦言皆起魔事善現
是菩薩摩訶薩不能親近供養恭敬尊重讚
歎諸善知識不能請問得不退轉菩薩行相
不能諮受諸惡魔軍所作事業由斯魔縛轉
復堅牢所以者何善現是菩薩摩訶薩不久

修行布施淨戒安忍精進靜慮般若波羅蜜
多乃至遠離方便善巧故爲惡魔之所撓亂
是故善現諸菩薩摩訶薩應善覺知種種魔
事尔時具壽善現即白佛言世尊云何菩薩
摩訶薩不久修行布施淨戒安忍精進靜慮
般若波羅蜜多不久安住內空外空內外空
空空大空勝義空有爲空無爲空畢竟空無
際空散空無變異空本性空自相空共相空
一切法空不可得空無性空自性空無性自
性空不久安住真如法界法性不虛妄性不
變異性平等性離生性法定法住實際虛空
界不思議界不久安住苦集滅道聖諦不久

修行四念住四正斷四神足五根五力七等
覺支八聖道支不久修行四靜慮四無量四
無色定不久修行八解脫八勝處九次第定
十徧處不久修行空無相無願解脫門不久
修行陀羅尼門三摩地門未入菩薩正性離
生未具修行一切佛法遠離菩薩方便善巧
為諸惡魔之所擾亂佛言善現惡魔變作種
種形像至此菩薩摩訶薩前方便誑言咄善
男子汝自知不過去諸佛已曾授汝大菩提
記汝於無上正等菩提決定當得不復退轉
汝身名某父母名某兄弟名某姊妹名某親
友眷屬乃至七世父母宗親各名為某汝身

生在其方某國某城某邑某聚落中汝在某
年某月某日某時某宿相王中生善現如是
惡魔若見此菩薩心行柔奕根性遲鈍便詐
記言汝於先世亦心行柔奕根性遲鈍如是
惡魔若見此菩薩心行剛強根性猛利便詐
記言汝於先世亦心行剛強根性猛利如是
惡魔若見此菩薩居阿練若或居塚間或居
露地或居樹下或常乞食或一受食或一坐
食或一鉢食或糞掃衣或但三衣或常坐不
卧或如舊敷具或少欲或喜足或樂遠離或
具正念或樂靜定或具妙慧或不重利養或
不貴名譽或好廉儉不塗其足或減睡眠或

不掉舉或好少言或樂輒語如是惡魔見此
菩薩種種行已便詐記言汝於先世已曾如
是居阿練若或居塚間廣說乃至少言輒語
所以者何汝今成就如是種種杜多功德世
間共見汝於先世決定亦有如是種種殊勝
功德應自慶慰勿得自輕善現是菩薩摩訶
薩聞此惡魔說其先世并當來世有勝功德
及說現在自身親族名字差別生處生時兼
讚種種杜多功德聞已歡喜心生憍慢凌懾
毀罵諸餘菩薩善現爾時惡魔知此菩薩其
心闇鈍復告之言汝有如是功德相狀過去
如來應正等覺定已授汝大菩提記汝於無

上正等菩提必當證得不復退轉善現是時
惡魔爲擾亂故或矯現作出家形像或矯現
作在家形像或矯現作父母形像或矯現作
兄弟形像或矯現作姊妹形像或矯現作親
友形像或矯現作梵志形像或矯現作師範
形像或矯現作天龍藥叉人非人等種種形
像至此菩薩摩訶薩所作如是言過去如來
應正等覺久已授汝大菩提記汝於無上正
等菩提決定當得不復退轉何以故諸不退
轉位菩薩摩訶薩功德相狀汝皆具有應自
尊重勿生猶像善現如我所說實得不退轉
菩薩摩訶薩諸行狀相是菩薩摩訶薩懷增

上慢實皆非有善現當知是菩薩摩訶薩魔
所執持為魔所魅何以故是菩薩摩訶薩於
得不退轉菩薩摩訶薩諸行狀相實皆未有
但聞惡魔說其功德及說名字生處生時少
分似實便生憍慢輕弄毀罵諸餘菩薩是故
善現若菩薩摩訶薩欲得無上正等菩提應

善覺知如是魔事

陳士刊

大般若波羅蜜多經卷第三百三十二 騰

老弱下音若 惡狩下正作獸 牽奪上牽字下徒 翅音施

去声 翔翔上吾高反下音祥 箭音活 箭音活

前受 亦寢字夢 鄔波上云近事男別師云凌婆

也
羅此云疑人謂此云金翅鳥云伽
緊捺
別云緊那

人似人故疑也
此
蝎許謂反
作蠱尾
逼惚
上彼

字下惱
魅
妖眉
二反
恃
倚音市
唐捐
也下音緣唐謂空

毀訾
也下音紫呵
輕箴
正作機
反
咄
丁骨反
又言

也謂
柔奕
上而州反
遲鈍
困徒
反
阿練若
者下汝

寂靜處也
此云
掉舉
上徒吊反
靜
杜多
此云徒古反

子除衣食位
也
婦詐也
妄也
師範
犯去

大檀越成忠郎趙安國一力刊經部六百卷



